

الجمهورية التونسية
RÉPUBLIQUE TUNISIENNE



وزارة المالية
MINISTÈRE DES FINANCES



ميزانية المواطن 2023



شنية الميزانية وشنية ميزانية المواطن لسنة 2023؟

شنية ميزانية الدولة؟

1

هي الوثيقة إلي تحدد مصاريف الدولة ومناش تتكون و كيفاش تتوزع و الفلوس إلي تنجم تلمهم سواء من الضرائب وإلا من غيرها و التوازن إلي ينتج عليهم.

شنة قانون المالية؟

2

هو القانون إلي يصادق فيه مجلس نواب الشعب على ميزانية الدولة و الأحكام و الاجراءات الضريبية الجديدة و هكة يرخص للحكومة باش تصرف وتلم مواردها.

شنية ميزانية المواطن 2023؟

3

هي وثيقة مبسطة لميزانية الدولة لعام 2023. الغاية منها تقريب الميزانية و تسهيل فهمها للمواطن. و هذي الوثيقة تلخص أهم الأرقام الواردة في الميزانية وإلي تمكن المواطن باش يفهم كيفية توزيع النفقات لتمويل الخدمات العمومية، والموارد متاع الدولة ومختلف مصادرها.

أهم الفرضيات لقانون المالية لسنة 2023

4

النمو الاقتصادي باش يزيد ب 1.8 %



سوم برميل النفط في الأسواق العالمية: \$ 89



وين ماشية فلوسك يا مواطن؟

المصاريف العادية و المتكررة

و ذات طابع اجتماعي

%57



شهاري للموظفين
22772 مليار

أي 1798 مليار في الشهر
و إلا 63 مليار كل يوم
يمشيو للشهاري

%33

من الميزانية



و إلي تمثل 42 % من النفقات و 14.2 % من الناتج المحلي الاجمالي

هذاك علاش كان من المهم التحكم في الشهاري من خلال:

- حصر الانتدابات في القطاعات ذات الأولوية وإعادة توظيف الموظفين حسب الحاجة مع السعي لتغطية الحاجيات المتأكدة
- مواصلة اعتماد البرنامج الخصوصي للإحالة على التقاعد
- التشجيع في العطل لبعث مؤسسة،

إعانات للعائلات المعوزة و الي دخلهم

ضعيف و المعاقين: 1180 مليار

تحويلات للأسر بعنوان الدعم: 697 مليار

%1.7

من الميزانية



وللمحافظة على الدور الاجتماعي للدولة و مساندة الطبقات

الاجتماعية الهشة و المحافظة على القدرة الشرائية تم:

- الترفيع في المنحة المسندة للعائلات المعوزة الي 220 د في الشهر لـ 320 ألف عائلة
- اسناد منحة لـ 120 ألف من أبناء العائلات إلي دخلها ضعيف دون 6 سنوات (30 د في الشهر)

منح و قروض جامعية

218 مليار

%0.3

من الميزانية

تشمل 45 % من الطلبة مع

مواصلة اسناد منحة بقيمة 500 د

لأبناء العائلات محدودة الدخل (36 ألف طالب)



وين ماشية فلوسك يا مواطن؟

المصاريف العادية و المتكررة و ذات طابع اجتماعي

دعم الحبوب
1736 مليار

في الشهر 145 مليار
و في النهار 5 مليارات

2.5% من الميزانية

دعم الزيت
400 مليار

أي 33 مليار في الشهر
أو 1111 مليون في النهار

0.6% من الميزانية

دعم الحليب، العجين، السكر
و الورق 387 مليار

وفي الشهر 32 مليار
وفي النهار 1 مليار

0.5% من الميزانية

دعم المحروقات
5669 مليار

و هذا على أساس اعتماد
سوم \$ 89 لبرميل النفط مع
العلم إنو كل زيادة بـ \$ 1
في سوم البرميل يترتب
عليها زيادة في النفقات
بـ 141 مليار.

8%
من الميزانية



يعني:

- 1ل بنزين: سومها 3396 مليون و يشريه المواطن
بـ 2525 مليون يعني الدولة تدفع دعم 871 مليون
على كل لتر بنزين

- 1ل مزوط: سومها 2820 مليون و يشريه المواطن
بـ 1985 مليون يعني الدولة تدفع دعم 835 مليون
على كل لتر مزوط

- 1ل مزوط 50: سومها 3140 مليون و يشريه المواطن
بـ 2205 مليون يعني الدولة تدفع دعم 935 مليون
على كل لتر مزوط 50

- دبوزة الغاز: سومها 42 دينار و يشريها المواطن
بـ 8800 مليون يعني الدولة تدفع دعم 33 دينار على كل دبوزة غاز



وين ماشية فلوسك يا مواطن؟

المصاريف العادية و المتكررة و ذات طابع اجتماعي

دعم النقل العمومي
640 مليار

وفي الشهر 53 مليار
و في النهار 1777 مليون

1%

من الميزانية



كراوات وكل ما بهم
لوازم الادارات
2314 مليار

أي 193 مليار في الشهر
أو 6.4 مليار في النهار

3.3%

من الميزانية



منح للبلديات والمجالس الجهوية
863 مليار

72 مليار في الشهر
و 2.4 مليار في النهار ماشين
لتهينة، الأسواق، تصليح
و إنارة الطرقات..

1.2%

من الميزانية



وين ماشية فلوسك يا مواطن؟

مشاريع تنموية

13%

13% من الميزانية أو 9146 مليار
باش تتصرف في المشاريع التنموية



◀ شركة تونس للطرق السيارة (200 م د)،

◀ مواصلة إنجاز مشروع الطريق السيارة تونس - جلمة (160 م د)،

◀ مواصلة أشغال مشروع بناء جسر بنزرت (45 م د)

◀ مواصلة أشغال طرق تونس الكبرى برنامج 2017 (67 م د)

◀ مضاعفة الطريق الوطنية رقم 13 الرابطة بين صفاقس وسيدي بوزيد والقصرين (30 م د)

◀ الصيانة الدورية والتهيأة لشبكة الطرقات المرقمة (250 م د)

◀ بناء منشأة فنية على الطريق الجهوية رقم 128 لربط مدينة قربص (30 م د)

◀ الجيل الثاني من برنامج تهذيب وإدماج الأحياء السكنية (69 م د)

◀ تهيئة و صيانة المسالك الريفية (167 م د)،

وين ماشية فلوسك يا مواطن؟

مشاريع تنموية



- ▶ برنامج دعم المنظومة التربوية (261 م د)،
- ▶ تعهد و صيانة المدارس الابتدائية (55 م د)،



- ▶ تحسين ظروف العيش-البرنامج الجهوي للتنمية 329 م د
- ▶ حضائر عادية و ظرفية 208 م د
- ▶ برنامج التنمية المندمجة 63 م د
- ▶ حوافز المشاريع ذات الأهمية الوطنية و الإستثمارات المنجزة في أنشطة الصناعات المعملية والصناعات التقليدية والخدمات 53 م د
- ▶ المساهمة في رأس مال البنك الإفريقي للتنمية 40 م د
- ▶ المساهمة في التمويل الذاتي لمشاريع البنك التونسي للتضامن 20 م د



- ▶ منحة بعنوان التطهير 109 م د
- ▶ مساهمة للديوان الوطني للتطهير 101 م د
- ▶ المشاريع المتعلقة بالغابات والمحافظة على المياه و أديم الأرض (89 م د)
- ▶ تشجيع الدولة للاستثمار في قطاع الإنتاج الفلاحي (81 م د)
- ▶ محطة تحلية مياه البحر بصفاقس والزارات (58 م د)
- ▶ منحة تكوين المخزون الإحتياطي و الإستراتيجي من البذور 31 م د
- ▶ تشجيع الدولة للاستثمار في قطاع المياه 32 م د
- ▶ تمويل صندوق تعويض الأضرار الفلاحية الناجمة عن الجوائح الطبيعية 29 م د

شنية مصاريف الدولة ؟ خلاص ديون



30 % من الميزانية أو 21100 مليار
ماشين خلاص ديون




يعني 1758 مليار في الشهر
أو 59 مليار في النهار
يلزمهم يكونو متوفرين
باش نخلصو ديونا

خلاصة القول



الدولة في 2023 باش تصرف **69914 مليار** ومقسومة على:



يعني باش تغطي مصاريفها،

الدولة يلزمها توفر **5826 مليار** في الشهر
و إلا **194 مليار** في النهار



قداش مداخيل الدولة و مناش تتكون؟

87% من مداخيل الدولة
جاية من الضرائب



شنية الضرائب أو المداخيل الجبائية؟



الضرائب و إلا المداخيل الجبائية: هي مساهمة تقتطعها الدولة على الشركات و المواطنين متاعها و توظفها بصفة مباشرة على الدخل و آلا بصفة غير مباشرة على الاستهلاك كيم الأداء على القيمة المضافة، معلوم الاستهلاك، معلوم الديوانة، معالم التسجيل....



و جملة الضرائب في 2023 باش تكون 40536 مليار يعني 3378 مليار ضرائب يلزمهم يتلمو في الشهر معناها في كل نهار 113 مليار ضرائب يلزمهم يدفعو

و تتأتى الضرائب من: (بالمليار)



قداش مداخيل الدولة و مناش تتكون؟

12% من مداخول الدولة
جاية من المداخيل غير جبائية




شنية المداخيل غير الجبائية؟



المداخيل غير الجبائية هي المدخول الغير ضريبي إلي جاي من أملاك الدولة كيما الكراوات متاع الدولة و مرابيح الشركات التابعة للدولة و فلولس المصادر و غيرها و قيمة هاذي المداخيل باش تكون **5534 مليار** في 2023. و تتكون من (بحساب المليار):



تتكون عائدات مساهمات الشركات و المؤسسات العمومية من:



الهبات

1% من مداخيل الدولة أو **354 مليار** جاية من الهبات الخارجية

في المقابل؟؟؟

قداش مداخيل الدولة و مناش تتكون؟

يعني المدخول الذاتي للدولة في 2023 باش تكون 46424 مليار
ويتكون من:




3869 مليار في الشهر
وإلا 129 مليار في النهار
يلزمهم يدخلو لميزانية الدولة



شنية أهم الاجراءات إلى جات في قانون المالية 2023 :

- ◀ إجراءات اجتماعية
- ◀ إجراءات تقوي أسس التضامن الوطني بين مختلف الفئات الإجتماعية
- ◀ إجراءات تشجع استعمال الطاقات البديلة باش نحافظو على الثروات الطبيعية
- ◀ إجراءات تساند المؤسسات الاقتصادية وتدفع الاستثمار والرقمنة
- ◀ إجراءات باش نواصلو نصلحو الجباية
- ◀ إجراءات تشجع الامتثال الضريبي وتدمج الاقتصاد الموازي و تتصدى للمتهربين مالضرائب

قداش عجز الميزانية و كيفاش نمولو ه ؟



مصروف الميزانية

مدخول الميزانية

عجز الميزانية
8507 مليار

خلاصة القول إنو نفقات أو مصاريف الدولة أكثر من مداخيلها و هذا باش يخليها في عجز قيمته **8507 مليار** في 2023 أي ما يقابل 5.2% من الناتج المحلي مقابل 7.6% في 2022.

و هذا إلى يلز الدولة باش تقترض يعني تتسلف باش تغطي عجزها و تخلص ديونها و باش توصل قيمة القروض هذي 24392 مليار منها 14859 مليار قروض خارجية.


وين وصلت ديون البلاد؟

المديونية الجمالية باش توصل إلى 124568 مليار أو 76.7% من الناتج المحلي مقابل 79.4% في 2022 منها 79622 مليار بعنوان المديونية الخارجية





هيكله النفقات حسب القطاعات (بالمليار) دون اعتبار الدين



تفضلو تواصلو معنا

وزارة المالية، ساحة الحكومة، القصة



71 571 888



www.finances.gov.tn



Ministère des Finances-Tunisie

